



স্বরাষ্ট্র মন্ত্রক

ঘূর্ণিঝড় ‘ ওখি ’ তে ক্ষয়ক্ষতি এবং সম্ভাব্য পরিস্থিতি মোকাবিলায় প্রস্তুতির বিষয় উচ্চপর্যায়ের পর্যালোচনা বৈঠকে খতিয়ে দেখল এন সি এম সি

Posted On: 06 DEC 2017 12:06PM by PIB Kolkata

ক্যাবিনেট সচিব শ্রী পি কে সিনহার নেতৃত্বে ঘূর্ণিঝড় ‘ ওখি ’ তে ক্ষতিগ্রস্ত ও প্রভাবিত রাজ্য ও কেন্দ্রশাসিত অঞ্চল সমূহের ত্রাণ ও উদ্ধার কাজের বিষয়ে সোমবার সন্ধ্যায় জাতীয় দুর্যোগ ব্যবস্থাপনা সমিতি(এনসিএমসি)-র এক পর্যালোচনা বৈঠক অনুষ্ঠিত হয়। সমিতির পক্ষে মহারাষ্ট্র ও গুজরাটে এই ঘূর্ণিঝড়ের সম্ভাব্য প্রভাব মোকাবিলার প্রস্তুতি সংক্রান্ত বিষয়ও খতিয়ে দেখা হয়। সোমবার সকালের দিকে আরব সাগরের পূর্ব-মধ্য অঞ্চল হয়ে প্রবল বেগে ঘূর্ণিঝড় ‘ ওখি ’ উত্তর দিকে এগিয়ে যায়। পরে তা উত্তর-উত্তরপূর্বমুখী হয়ে ধীরে ধীরে প্রাবল্য কমে আসবে বলে পূর্বাভাস পাওয়া গিয়েছিল। পূর্বাভাসে ‘ ওখি ’ র গতিপথ মঙ্গলবার মধ্যরাত নাগাদ দক্ষিণ গুজরাট ও সংলগ্ন উত্তর মহারাষ্ট্র উপকূল অঞ্চলে সুরাটের কাছাকাছি জায়গায় এক গভীর নিম্নচাপ তৈরী করবে বলে আশংকা প্রকাশ করা হয়েছিলো।

এনসিএমসি-র পর্যালোচনা ও প্রস্তুতি সংক্রান্ত ওই বৈঠকে দক্ষিণ আন্দামান সমুদ্র সংলগ্ন দক্ষিণ-পূর্ব বঙ্গোপসাগরে অন্য আরেকটি নিম্নচাপ গড়ে ওঠার পূর্বাভাসের নিরিখে তামিলনাড়ু, অন্ধ্রপ্রদেশ এবং আন্দামান ও নিকোবর দ্বীপপুঞ্জের মত রাজ্য ও কেন্দ্রশাসিত অঞ্চলে সম্ভাব্য প্রভাব জনিত পরিস্থিতি নিয়েও ক্যাবিনেট সচিব শ্রী সিনহা ডিডিও কনফারেন্সের মাধ্যমে পর্যালোচনা এবং প্রস্তুতির খুঁটিনাটি যাচাই করেন। সেখানকার মৎস্যজীবী ও অন্য বাসিন্দাদের প্রয়োজনীয় পরামর্শ প্রদান করা হয়। সংশ্লিষ্ট রাজ্য ও কেন্দ্রশাসিত অঞ্চলের মুখ্য সচিবরাও নিজেদের আওতাধীন এলাকায় যেকোনো পরিস্থিতি মোকাবিলায় ইতিমধ্যেই প্রয়োজনীয় পদক্ষেপ গ্রহণ করেছেন।

বৈঠকে স্বরাষ্ট্র বিষয়ক মন্ত্রক, জাতীয় বিপর্যয় ব্যবস্থাপনা কর্তৃপক্ষ(এনডিআরএফ), প্রতিবক্ষ্যমন্ত্রক, নৌ-বাহিনী, বিমানবাহিনী, উপকূলরক্ষীবাহিনী, ভূ-বিজ্ঞানমন্ত্রক, ভারতীয় আবহাওয়া দপ্তর সহ অন্য সংশ্লিষ্ট সংস্থা ও বিভাগের আধিকারিকরা অংশগ্রহণ করেন।

কেন্দ্রের সংশ্লিষ্ট বিষয়ের সংস্থা ও প্রভাবিত রাজ্য এবং কেন্দ্রশাসিত অঞ্চলগুলির পক্ষ থেকে প্রতিনিয়ত ঘূর্ণিঝড়ের গতিবিধির প্রতি নিবিড় নজরদারি অব্যাহত রেখে প্রয়োজন মার্ফিক অনুসন্ধান ও উদ্ধারের কাজ চালিয়ে যাচ্ছে। সোমবার পর্যন্ত প্রাপ্ত সর্বশেষ তথ্য অনুযায়ী তামিলনাড়ু ও কেরালায় মোট ৪৯৩জন মৎস্যজীবী এবং লাফার্বীপে ১০৪৭জন দুর্গত মানুষকে উদ্ধার করা হয়েছে। প্রভাবিত রাজ্য ও কেন্দ্রশাসিত অঞ্চলে গড়ে তোলা ত্রাণ শিবিরগুলিতে দ্রুত সহায়তা সামগ্রী পৌঁছে দেওয়ার ব্যবস্থাও গ্রহণ করা হয়েছে। প্রসঙ্গতঃ, কেন্দ্রীয় সরকারের পক্ষ থেকে ঢালাও হারে উপকূলরক্ষী বাহিনী, নৌবাহিনী এবং বিমানবাহিনীর মাধ্যমে জাহাজ, বিমান, হেলিকপ্টার সহযোগে ত্রাণ ও উদ্ধারের প্রক্রিয়া জোরকদমে চালিয়ে যাওয়া হচ্ছে।

(Release ID: 1511934) Visitor Counter : 6

